



10. November 2022

UKA2022/97

Sapigalinnut ulluinnarni nerisassat nioqqutissat nunatsinnut ajornannginnerusumik eqquossorsinnaalernissaannut Naalakkersuisut nalunaarusioqqullugit peqquneqarnissaat pillugu Inatsisartut aalajangiiffigisassaattut siunnersuut. Nunaniit allaniit nioqqutissat taakku eqquossorsinnaanissaannut inatsisitigut qanoq allannguinnissaq pisariaqarnersoq, qanorlu akimikkut Danmarkimiit nioqqutissanut unammillernerusinnaalersinnaaneri nalunaarusiamut ilanngunneqassapput. Nalunaarusiaq kingusinnerpaamik UKA2023-mi Inatsisartunut agguanneqassaaq

(Inatsisartunut ilaasortaq Aqqu C. Jerimiassen, Atassut)

Siunnersuuteqartumut qujanaq, Siumumiit imaattumik oqaaseqassaagut. Sapigalinnut kiisalu sukkortunut nioqqutissat periarfissaasut killeqartarnerat pingaartumik isorliunerusuni siunnersuuteqartumik tunngavilersuutigineqartoq siumumiit paasilluarparput tamannalu isumaqatigaarput. Nappaat kialluunniimmi aqqusaarsinnaammagu allatullu ajornartumik nerisaqarnerq inooriaatsimillu allanngortilluinnarneqartartoq sapigalippassuit oqaatigisarpaat. Taamaattumik siunnersuuteqartup nalunaarusiortoqarnissaanik ujartuina Siumumiit isumaqarpugut naalakkersuisut suliaat ingerlareersut qallerutsigit pitsaavallaanngitsoq naak tunngavia ilaleraluartutigu.

Nunanut allanut pisiortornerulernissarput periarfissaanerulernissaa soqutiginaateqarpoq pisariaqarlunilu, assersuutigalugu sapigallit immuat niuertarfitsinni qiviaraanni akit qaffasinnerungaatsiarput immunnut nalinginnaasunut sanilliukkaanni, sulilu qaffakkiartorlutik nunatta avataani pissutsit peqqutaallutik, taamaammat nunat allat Danmarkip avataaniittut pisiortorfigissallugit periarfissaanissaat pissusissamisuussasiq Siumumiit isumaqarluta. Tassuuna aamma unammilleqatigiinneq annerusoq qlarnanngitsumik pilersussaalluni.

Assiliaq tamaat isigalugu pissusissamisuussaaq sapigalinnut kiisalu sukkortunut nioqqutissat inuussutissatut toqqagassat annertunerusariaqartut, minnerunngitsumillu aamma akitigut unammillernerqarsinnaasariaqartut Siumumiit isumaqarluta, taamaalilluni akit appasinnerulernissaannut naalakkersuiut ujartueqataanerat periarfissanillu suliaqarnerat Siumumiit nuannaarutigaaarput. Taamatut ujartuisoqarnera tamakkiisumik Siumumiit tapersorsorlugulu pitsaasutut isigaarput, taamaattumik naalakkersuisut suliarileriigaat ingerlallualereersut tunngavigalugu siunnersuut itigartinneqarnissaa innersuussutigaaarput.



Lars Poulsen, Siumut